

天一閣藏明代方志選刊續編

嘉靖輝縣志（河南）
嘉靖濮州志（河南）
嘉靖范縣志（河南）

天一閣藏明代方志選刊續編
六一

上海書店

輝志序

輝古共城為衛輝屬邑距西北五十里舊
未有志志於知縣范瑄也去歲過縣以督
文王先生校士於彼瑄以輝志來請予予
嘆曰天下之事成於振而廢於因汝可謂
知先務矣時以草創未定復屬教諭金廷
貴損益之越兩月瑄貴復以來請予見其

山川之秀麗人物之淳美土產之饒裕賢
達之俊逸兼以今古文字之盛旁及鬼神
靈異之備因復嘆曰林媪黃娘纔一婦人
耳以杜蘇一言受知於千古不磨不然老
將死幾何輝之地之人豈非一大幸與况
甲於他五縣有此而乃泯泯焉前人之因
也玆貴復曰志可矣但人性失之愚恐無

以為地主稍潤色之可乎夫人先有質而後有文予觀輝之人忼然聚哆然處休然以退近太古之民也使由是而保傳之不失則上達乃其地步彼共姜一臺自溺而可以為天下後世淫奔者耻今過其臺下凜然猶有生氣彼輝之人也要自此而充之耳語曰與其史也寧野又曰忠信之人

可以學禮蓋有璞而後可以為玉有白而後可以受采况志之較史有善惡而無褒貶何以潤色為哉玆貴以子言為是請刻之曰是可以風世道矣子曰止夫輝人之失之愚其未斲之性猶夫湍水也隨所決而東西之殆無抵定使由是而縱之長之則期橋而濡首愛金而剖股又安知未斲

之性不反為斲喪者之尤乎此又子民之
貴而所以鼓舞作興開導扶持之力則又
在此而不在志也故志所以風世道而以
待豪傑而必文王而後興者則猶有所望
也其勉之哉玆貴拜曰唯教唯教時玆未
幾以父喪守制回籍而新任知縣張天真
代方謀刻之因以予言不佞請并諸志首

瑄山西蒲州人居官未久而愛民心多貴
福建候官人一官雖微而好學心篤是舉
也皆有力焉


嘉靖六年膺月八日


賜進士第中憲大夫衛輝府知府安丘劉


希龍書


...

重刊通志圖









輝縣志目錄

卷之一

建置沿革

分野

邑名

疆域

山川

形勝

風俗

城池

里社

田畝

戶口

土產

貢賦

馬政

卷之二

公署

學校
附書院

雜署

倉廩

街市集場

坊牌

卷鋪舍

橋梁

關津

卷之三

宮室

古蹟

景致

寺觀

祠廟

壇壝

塚墓

卷之四

封建

設官

名宦

歷官

卷之五

人物

恩封戚

科第

歲貢

例貢

孝行

効義

貞節

命婦

流寓

隱逸

仙釋

卷之六

文章

卷之七

文章

卷之八

文章

卷之九

題詠

卷之十

題詠

亦

山

貢

李

貢

人

林

貢

輝縣志目錄終

輝縣志卷之一

建置沿革

按禹貢冀州之地共伯之國春秋時併於衛秦屬三川
郡漢置共縣隸河內郡三國魏改隸朝歌郡晉屬汲郡
後魏因之東魏北齊俱屬義州後周屬衛州隋改共城
縣隸汲郡唐武德元年以縣置共州并析置凡城縣四
年州廢省凡城入共城縣隸殷州六年又省博望縣入
焉貞觀元年廢殷州復隸衛州五代梁仍隸河內郡唐
晉漢周末皆仍其舊金世宗時避太子允恭諱改為河